



Diretora PNDS, Dulce Guterres Junior Akompanha husi Komandante Polisia Komunitariu Nasional no Komandante PNTL Munisipiu Baucau, Koa Pita simbolu inaugurasan OPS Suku Afasa, Baucau

Uma Oficial Polisia Suku (OPS) Suku Afasa, Munispiu Baucau no uma OPS Suku Betano, Munisipiu Manufahi Oficialmente inaugura

Uma Oficial Polisia Suku (OPS) ne'ebé konstrui iha suku Afasa, Munispiu Baucau inaugura husi Diretora PNDS, Dulce Guterres Junior akompanha husi Komandante PNTL Munisipiu Baucau no Chefe Departamento Polisiamentu Komunitariu Nasional iha loron 18 de Dezembro 2018.

Enkuantu Uma OPS Suku Betano, Munisipiu Manufahi inaugura husi Komandante Serbisu Investigasaun Kriminal (SIC), Jorge Monteiro akompanha husi Administradór Interino Manufahi iha loron 20/12/2018.

Diretora PNDS, Dulce Guterres Junior iha nia intervensaun iha Inaugurasan Uma OPS Afasa hateten PNDS hetan fiar hodi responsabiliza Kontrusaun Uma OPS tanba Parseiru sira hare katak transparansia no kontabilidade iha implementasaun programa PNDS diak tebes, nune'e iha tinan 2017 Governo Nova Zelandia apoiu orsamentu ba iha Governo Timor Leste liu husi Ministeriu Interior no halo akordu tékniku ho Ministériu Administrasaun Estatal (MAE) liu husi PNDS atu bele implementa pilotu Uma OPS 14 iha Timor Leste.

Entretantu iha inaugurasan uma OPS Suku Betano, Munispiu Manufahi Komandante PNTL Serbisu Investigasaun Criminal, Nasional (SIC), Jorge Monteiro ne'ebé reprejenta Komandante Geral PNTL iha nia intervensaun apela ba comunidade no ofisial OPS ne'ebé sei hela iha fatin nee atu kuida didiak hodi bele fasilita desempenho serbisu ofisial polisia komunitariu.

Forum Aprendizazen Hamutuk Entre FST no Unidade de Jestaun Operasional PNDS Hodi Partilha Informasaun Progresu Servisu Ne'ebé Implementa Husi Komunitade iha Nivel Suku

Forum aprendizazen ne'e realiza atu bele partilha informasaun konaba progresu serbisu ne'ebe implementa iha nivel suku liu husi Programa Nasionál Dezenvolvimentu Suku (PNDS), forum ne'e realiza iha salaun enkontru Joao Paul, Comoro Dili, 29/11/2018.

Chefe Departamentu M&A PNDS Nasional, Fortunato Godinho Amaral iha nia intervensaun hateten sorumutu ne'e nudar meus ida atu bele fahe informasaun entre PNDS-SP no ST-PNDS konaba progresu aktividade ne'ebe implementa iha terreno.

Forum aprendizaden ne'e fahe informasaun ba malu konaba aktividade hanesan finaliza siklu implementasaun, Konstrusaun Uma OPS, Finaliza konstrusaun fatin halimar, nomos finaliza transferensia subsidiu Operasional ba konta bankaria suku.

PNDS

Hamutuk Ita
Dezenvolve Nasaun

Janeiru 2019

Progresu

Pilotu: Remata ona

Faze 1 Siklu 1 : Remata Ona

Faze 2 Siklu 1 : Remata Ona

Faze 3 Siklu 1 : Remata Ona

Faze 1 Siklu 2 : Iha Etapa 10 (Sertifika, Enkontru Akontabilidade 50% Primeiru)


Faze 2 Siklu 2 : Iha Etapa 10 (Sertifika, Enkontru Akontabilidade 50% Primeiru)

Faze 3 Siklu 2 : Iha Etapa (Transferensia Fundus Operasional) Remata Ona 2017




Konstrusaun

Faze I Siklu 2



Faze II Siklu 2



Uma Oficial Polisia Suku (OPS) iha Suku Ogues Oficialmente Inagura Husi Komandante Servisu Investigasaun Kriminal no Akompanha Husi Adjuntu Administrador Munisipiu Covalima

Konstrusaun Projeitu Uma Ofisial Polisia Komunitariu Suku (OPS) ne'ebé konstrui iha suku Ogues, Postu Munisipiu Administrativo Maucatar, Munisipiu Covalima, inagura husi Komandante Polisia Servisu Investigasaun Kriminal no Akompanha husi adjuntu Administrador Munisipiu Covalima iha loron 05 Novembru 2018.

Komandante Polisia Servisu Investigasaun kriminal PNTL Jorge Monteiro iha nia intervensaun hato'o agradesimentu ba governo Nova Zelandia tanba ho apoiu ne'ebé sira fo PNTL liu husi Ministeriu Administrasaun Estatal, ne'ebé Sekretariado Tekniku PNDs nudar jestor ba projeitu ne'e mak hala'o konstrusaun uma ofisial polisia suku, iha suku Ogues ne'ebé ho kualidade di'ak.

Iha parte seluk adjuntu administradór Munisipiu Covalima Afonso Nogueira Nahak hato'o agradesimentu ne'ebé profundo ba Governo Nova Zelandia, Komando Geral PNTL inklui Sekretariado Tekniku PNDs tanba ho esforsu tomak ne'ebé iha bele konklui ona konstrusaun uma OPS nee. tuir lideransa lokal sira katak uma ho facilidade ne'ebé iha bele fasilita membru polisia OPS hodi hela metin iha fatin atu bele fo assistensia ba comunidade iha suku Ogues.



Uma Oficial Polisia Suku Leotela Munisipiu Liquica no Polisia Suku Leolima Munisipiu Ainara oficialmente inaugura

Uma Oficial Polisia suku husi suku rua ne'e oficialmente inaugura ona no entrega ona ba ofisial polisia suku hodi hala'o kna'ar nudar Polisia Suku.

Uma ofisial Polisia suku iha Suku Leotela, Munisipiu Liquica inagura iha loron 12 fulan Setembro no Uma Oficial Polisia suku Loelima inagura iha loron 14 fulan Setembro.

Komandante Geral Polisia Nasional Timor Lorosa'e (PNTL), Komisario Julio da Costa Hornai iha nia intervensaun wainhira inaugura Uma Oficial Polisia Suku Leotela hateten servisu boot ida ba komando Geral PNTL atu tenta iha plano estratéjiku tinan lima mai mak pelumenus kada tinan ita bele halo uma rua nulu ba OPS sira.

Iha fatin hanesan Administrador Munisipiu Liquisa, Domingos da Conceicao atensaun estado ba difikuldades ne'ebé comunidade sira enfrenta laos deit iha suku ida ne'e maibe iha fatin barak mak estado no governo persija tau atensaun, nune'e administradór husu ba comunidade sira atu asegura nafatin obra ne'ebé iha hodi fasilita atividade polisia komunitariu, no inportante mos atu comunidade kontinua hametin koordinasaun no kooperasaun ho polisia suku karik comunidade hasoru problema ruma bele lais urjente hodi informa para bele halo atuasaun, no tengki hamutuk nafatin hodi fo solusaun ba problema ne'ebé comunidade iha suku laran hasoru.



Atu hetan informasaun :
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl